



松陵集卷第五

今體五言詩六十八首

武丘寺殿前有古杉一本形狀醜怪圖之不  
盡况百卉競媚若妒若媚唯此杉死抱奇  
節、髡然闖然不知雨露之可生也風霜之  
可瘁也乃造化者方外之材乎遂賦三百  
言以見志

日休

種日應逢晉枯來必自隋鱗狂將立處螭鬪未開

時卓犖擲槍榦，義牙束戟枝。初驚鰲篆活，復訝獠  
狂癡勁質如。堯瘦貞容學舜徽，勢能擒土霸醜可  
駭。山祇虎爪拏岩穩，虬身脫浪歆。槎頭禿似刷，枿  
觜利於錐。突兀方相脛，鱗皴夏氏胝。根應藏鬼血，  
柯欲漏龍漈。拗似神荼怒，呀如猘獠饑。朽癰難可  
吮，枯廔不堪治。一炷玄雲拔，三尋黑稍奇。狼頭敦  
宰豎，蠹尾掘攣垂。目燥那逢燿，心開豈中鉞。任苔  
爲疥癬，從蠹作瘡痍。品格齊遼雀，年齡等寶龜。將

懷縮地力，欲負拔山姿。未倒防風骨，初僵負貳屍。  
漆書明古本，鐵室抗全師。魄礪還無極，伶俜又莫  
持。堅應敵駿骨，文定寫魑皮。蟠屈愁凌剝，騰驤恐  
攫池。搶烟寒嶂嶰，披蔦靜禰褊。威仰誠難識，勾芒  
恐不知。好燒胡律看，堪共達多期。寡色諸芳笑，無  
聲衆籟疑。終添八柱位，未要一繩推。盡日來唯我，  
當春翫更誰。他年如入用，直構太平基。

奉和古杉三十韻

龜蒙

衆木盡相遺孤芳獨任奇  
插天形硤兀當殿勢敝  
危恐是夸娥怒教臨截  
薛衰節穿開耳目根瘦坐  
熊羆世只論榮落人誰問  
等衰初危反有巔從日上  
無葉與秋欺虎搏應難動  
鵬蹲不敢遲戰鋒新缺  
鬪燒岸黑黯鯨鬪死龍骸  
雜爭奔鹿角差肢銷洪  
水腦稜聳梵天眉磔索珊  
瑚湧森嚴獬豸窺向空  
分犖指衝浪出鯨鬣揚僕  
船撞在蚩尤陣燾隳下  
連金粟固高用鐵凌披挺  
若苻堅榘浮於祖納椎

崢嶸驚露雀趨越閔雲騎  
傍宇將支壓撐霄欲抵

噉背交虫臂搨相向鶻拳追格

音閣筆老

初加反

猶立

階干卓未麾鬼神應暗畫  
風雨恐潛移已覺寒松  
伏偏宜后土疲好邀清嘯  
傲堪映古茅茨材大應

容竭年深必孕夔後雕依  
佛氏初植必僧彌

寺卽東晉

王家別墅僧彌王珉小字

擁腫煩莊辯槎牙費庾詞  
詠多靈府

困搜苦化權卑類旣區中  
寡朋當物外推蟠桃標  
日域珠草侍仙墀真宰誠  
求夢春工幸可鑿若能

嗟嶰竹猶足動華滋

四明山詩 并序

龜蒙

謝遺塵者有道之士也嘗隱於四明之南雷一旦訪予來語不及世務且曰吾得於玉泉生知子性誕逸樂神仙中書探海岳遺事以期方外之交雖銅墻鬼炊虎獄劍餌無不窺也

已上八言謝語不知所謂者何一云

出隱中書今為子語吾山之奇者有峯最高四穴在峯上每天地澄霽望之如牖戶相傳謂之石窗即四

明之目也山中有雲不絕者二十里民皆家雲之南北每相從謂之過雲有鹿亭有樊榭有潺湲洞木實有青櫛子味極甘而堅不可卒破有猿山家謂之鞠侯其他在圖籍不足道也凡此佳處各為我賦詩予因作九題題四十字謝省之曰玉泉生真不誣矣好事者為予傳之因呈襲美

石窗

石窗何處見萬仞倚晴虛積霽迷青瑩殘霞動綺

疏山應列圓嶠宮便接方諸祇有三奔客時來教  
隱書

過雲

相訪一程雲雲深路僅分嘯臺隨日辨樵斧帶風  
聞曉著衣全溼寒衝酒不醺幾迴歸息靜髮髯見  
蘇君

雲南

雲南更有溪丹礫盡無泥藥有巴賈賣枝多越鳥

啼夜清先月午秋近少嵐迷若得山顏佳芝筴手  
自攜

雲北

雲北是陽川人家洞壑連壇當星斗下樓撥翠微  
邊一半遙峯雨三條古井烟金庭如有路應到左  
神天

鹿亭

鹿亭巖下置時領白麕過草細眠應久泉香飲自

多認聲來月塢尋跡到烟蘿早晚吞金液騎將上  
絳河

樊榭

樊榭何年築人應白日飛至今山客說時駕玉麟  
歸乳蒂緣松嫩芝臺出石微憑欄虛目斷不見羽  
華衣

潺湲洞

石淺洞門深潺湲萬古音似吹雙羽管如奏落霞

琴倒穴漂龍沫穿松濺雀襟何人乘月弄應作上  
清吟

青櫺子

山實號青櫺環岡次第生外形堅綠殼中味敵璚  
英墮石樵兒拾敲林宿鳥驚亦應仙吏守時取薦  
層城

鞠侯

何事鞠侯名先封在四明但爲連臂飲不作斷腸

聲野蔓垂纓細寒泉佩玉清滿林遊宦子誰爲作  
君卿

奉和四明山九題

日休

石窗

窗開自真宰四達見蒼崖苔染渾成綺雲漫便當  
紗櫺中空吐月扉際不扃霞未會通何處應連玉  
女家

過雲

粉洞二十里當中幽客行片時迷鹿跡寸步隔人  
聲以杖探虛翠將襟惹薄明經時未過得恐是入  
層城

雲南

雲南背一川無鴈到峰前墟里生紅藥人家發白  
泉兒童皆似古婚嫁盡如仙共作真官戶無繇稅  
石田

雲北



雲北晝冥冥空疑背壽星犬能諳藥氣人解寫芝  
形野歇遇松蓋醉書逢石屏焚香住此地應得入  
金庭

鹿亭

鹿群多此住因構白雲楣待侶傍花久引麝穿竹  
遲經時培玉澗盡日嗅金芝爲在石窗下成仙自  
不知

樊榭

主人成列仙故榭獨依然石洞關人笑松聲驚鹿  
眠井香爲大藥雀語是靈篇欲買重棲隱雲峯不  
售錢

潺湲洞

陰宮何處淵到此洞潺湲敲碎一輪月鎔銷半段  
天響高吹谷動勢急歛雲旋料得深秋夜臨流盡  
古仙

青櫺子

山風熟異果應是供真仙味似雲腴美形如玉腦  
圓銜來多野雀落處半靈泉必共玄都棹花開不  
記年

鞠侯

堪羨鞠侯國碧巖千萬重烟蘿爲印綬雲壑是隄  
封泉遣徂公護果教獐子供爾徒如不死應得躡  
玄蹤

五賦詩

并序

日休

毗陵處士魏君不琢氣真而志放居毗陵凡二紀  
閉門窮學是乎里民不得以師之非乎里民不得  
以訾之用之不難進利之被人也捨之不難退辱  
非及已也噫古君子處乎進退而全者繇此道乎  
抑夷之隘惠之不恭不能造于是也江南秋風時  
鱸肥而難釣菰脆而易挽不過乘短舫  
方言曰船短而深者  
謂之舫載一甌酒加以隱具繇五瀉涇入震澤穿  
音步松陵抵杭越耳日休嘗聞道於不琢敢不求雅物

成雅息乎於是買釣船一修二丈闊三尺施篷以  
庇烟雨謂之五瀉舟天台杖一色黯而力適謂之  
華頂杖有龜頭山疊石硯一高二寸其仞數百  
謂之太湖硯有桐廬養和一怪形拳跼坐若變去  
謂之烏龍養和有南海鱟魚殼樽一澀鋒齟角內  
玄外黃謂之訶陵樽皆寄于不琢行以資雲水之  
興止以益琴籍之玩真古人之雅贖也因息乘韋  
之義不過于詞遂爲五篇目之曰五贖兼請魯望

同作

五瀉舟

何事有青錢因人買釣船  
闊容兼餌坐深許共簑  
眠短好隨朱鷺輕堪倚  
白蓮自知無用處却寄五  
湖仙

華頂杖

金庭仙樹枝道客自携持  
探洞求丹粟挑雲覓白  
芝量泉將濯足闌雀把支  
頤以此將爲贈唯君盡

得知

太湖硯

求於花石間怪狀乃天然中瑩五寸劍外差千疊  
蓮月融還似洗雲溼便堪研寄與先生後應添內  
外篇

烏龍養和

壽木拳數尺天生形狀幽把疑傷虺節用恐破蛇  
瘡置合月觀內買須雲肆頭料君携去處烟雨太

湖舟

訶陵樽

一片鱉魚殼其中生翠波買須能紫貝用合對紅  
螺盡瀉判狂藥禁敲任浩歌明朝與君後爭那玉  
山何

奉和五贖詩

龜蒙

五瀉舟

樣自桐川得詞因隱地成好漁翁亦喜新白鳥還

驚沙際擁江沫渡頭橫雨聲尚應嫌越相遺禍不  
遺名

華頂杖

萬古陰崖雪靈根不爲枯瘦於霜雀脰奇似黑龍  
鬚拄訪譚玄客持看潑墨圖湖雲如有路兼可到  
仙都

太湖硯

誰截小秋灘閒窺四緒寬繞爲千嶂遠深置一潭

寒坐久雲應出詩成墨未乾不知新博物何處擬  
重刊

烏龍養和

養和名字好偏寄道情深所以親逋客兼能助五  
禽倚肩滄海望鉤膝白雲吟不是逍遙侶誰知世  
外心

訶陵樽

魚骼匠成樽猶殘海浪痕外堪欺玳瑁中可酌崑

崙酒名水繞苔磯曲山當草閣門此中醒復醉何必

問乾坤

早春病中書事寄魯望

日休

眼暈見雲母耳虛聞海濤惜春狂似蝶養病躁於  
猿按靜方書古堂空藥氣高可憐真宰意偏解困

吾曹

奉訓

龜蒙

祇貪詩調苦不計病容生我亦休文瘦君能叔寶

清藥須勤一服春莫累多情欲入毘耶問無人敵

淨名

又寄次前韻

日休

病根冬養得春到一時生眼暗憐晨慘心寒怯夜  
清妻仍嫌酒癖醫只禁詩情應被高人笑憂身不

似名

又訓次韻

龜蒙

從來多遠思尤向靜中生所以令心苦還應是骨

清酒香偏入夢花落又關情積此風流事爭無後  
世名

新秋言懷寄魯望三十韻

日休

新秋入破宅疎澹若平郊戶牖深如窟詩書亂似  
巢移牀驚蟋蟀拂匣動蟪蛄靜把泉華掬閒拈乳  
管敲檜身渾箇矮石面得能顛小桂如拳葉新松  
似手稍雀鳴轉清角鶻下撲金髀合藥還慵服爲  
文亦嬾抄煩心入夜醒疾首帶涼抓杉葉尖於鏃

藤絲韌似鞞債田含紫芋低蔓隱青匏老栢渾如  
疥陰苔忽似膠王餘落敗壑胡孟入空庖度日忘  
冠帶經時憶酒肴有心同木偶無舌竝金鏡興欲  
添玄測狂將換易爻達人唯落落俗士自譎譎底  
力將排難何顏用解嘲欲銷毀後骨空轉坐來胞  
猶豫應難抱狐疑不易包等閒逢毒蠹容易遇咆  
哮時事方千蝎公途正二嶠名微甘世棄性拙任  
時拋白日須投分青雲合定交仕應同五柳歸莫

捨三茅澗鹿從來去烟蘿任溷殺狙公鬧後戲雲  
母病來孳從此居方丈終非競斗筭道窮應鬼遺  
性拙必天教無限疎慵事憑君解一炮

奉和新秋言懷三十韻次韻

龜蒙

身閒唯愛靜籬外是荒郊地僻憐同巷庭喧厭累  
巢岸聲搖舴艋窗影辨蠨蛸徑祗溪禽下關唯野  
客敲竹岡從古凸池綠本來顛早藕擎霜節涼花  
束紫梢漁情隨錘網獵興起鳴髀好夢經年說名

方著處抄才疎惟自補技癢欲誰抓窗靜常懸蘿  
鞭閒不正朝山衣輕斧藻天籟逸絃匏蕙轉風前  
帶桃烘雨後膠蘚乾粘晚砌烟溼動晨庖沈約便  
圖籍楊雄重酒殺日曾窺絕洞耳不犯征饒曆外  
窮飛朔著中記伏爻石林空寂歷雲肆肯曉饒松  
桂何妨蠹龜龍亦任嘲未能丹作髓誰相紫爲胞  
莫把榮枯與但平聲和大小包繇弓猿不捷梁園虎  
忘虓舊友懷三益關山阻二嶠道隨書篋古時共



釣輪拋好作忘機士須爲莫逆交看君馳諫艸憐  
我臥衡茅出處雖冥默薰蕕肯溷殺岸沙從雀印  
崖蜜勸人籩白菌盈枯枿黃精滿綠筍仙因隱居  
信禪是淨名教勿謂江湖永終浮一大飽

秋日遣懷十六韻寄道侶

龜蒙

盡日臨風坐雄詞妙畧兼共知時世薄寧恨歲華  
淹且把靈方試休憑吉夢占夜然燒汞火朝鍊洗  
金鹽有路求真隱無媒舉孝廉自然成嘯傲不是

學沈潛水恨同心隔霜愁兩鬢霑雀屏憐掩扇烏  
帽愛垂簷雅調宜觀樂清才稱典籤冠敝玄髮少  
書健紫毫尖故疾因秋召塵容畏日黔壯圖須行  
行儒服謾檐檐片石聊當枕橫烟欲代簾蠹根延  
穴蟻疎葉漏庭蟾藥鼎高低鑄雲菴早晚苦胡麻  
如重寄從謂我無厭

奉和次韻

日休

高蹈爲時背幽懷是事兼神仙君可致江海我能

淹共守庚辰夜同看乙巳占藥囊除紫蠹丹灶拂  
紅鹽與物深無競於生亦太廉鴻災因足警魚禍  
爲稀潛筆硯秋光洗衣巾夏蘚霑酒甌香竹院魚  
籠挂茅簷琴忘因拋譜詩存爲致籤茶旗經雨展  
石笋帶雲尖鶴共心情慢鳥同面色黔向陽裁白  
恰終歲憶貂襜取嶺爲山障將泉作水簾溪晴多  
晚鷺池廢足秋蟾破衲雖云補閒齋未辦苦共君  
還有役竟夕得厭厭

江南書情二十韻寄秘閣韋校書貽之商洛

宋先輩垂文二同年

日休

四載加前字今來未改銜君批鳳尾詔我住虎頭  
巖季氏唯謀逐臧倉只擬讒時訛輕五羖俗淺重  
三緘瘦去形如雀憂來態似獬才非師趙壹直欲  
效陳咸孤竹寧收笛黃琮未要珮作羊寧免狼爲  
兔卽須龜枕戶槐從亞侵堦草嬾芟壙泉教咽咽  
壘石放巉巉掣釣隨心動抽書任意欵茶教弩父

摘酒遣焚僮監默坐看山困清齋飲水巖蘚生天  
竺屐烟壞洞庭帆病久新烏帽閒多省白衫藥包  
陳雨匝詩草蠹雲函遣客呼林狖辭人寄海城室  
唯搜古器錢只買秋杉寡合無深契相期有至誠  
他年如訪問烟蕙暗髣髴

奉和次韻

龜蒙

我志如魚樂君詞稱鳳銜暫來從露冕何事買雲  
巖水石應容病松篁未聽讒罐香松蠹膩山信藥

苗緘愛鷺欹危立息猿矍鑠獬謝才偏許眺阮放  
最憐咸大樂寧忘缶奇工肯顧城客愁迷舊隱鷹  
健想秋鬣硯缺猶慵琢文繁却要芟雨餘幽沼淨  
霞散遠峰巉洗筆烟成段培花土作杵訪僧還覓  
伴醫雀自須監荒廟猶懷季清灘幾夢巖背風開  
蠹簡衝浪試新帆悶憶年支酒閒裁古樣衫釣家  
隨野舫仙蘊逐雕函度歲賒羸馬先春買小蠟共  
疏泉入竹同坐月過杉染翰窟高致懷賢發至誠

不堪潘子鬢愁促易髟髟

憶洞庭觀步十韻

日休

前時登觀步暑雨正錚從上戍看綿蕪登村度石  
缸菴花時有簇溪鳥不成雙遠樹點黑稍遙峰露  
碧幢巖根瘦似殼杉腹破如腔被衲絞了二音漁人服  
符簷野店窗多携白木鋪愛買紫泉缸仙犬聲音  
古遺民意緒厖何文堪緯地底策可經邦自此將  
妻子歸山不姓龐

奉和次韻

龜蒙

聞君遊靜境雅具更從從竹傘遮雲徑藤鞋踏蘚  
缸杖斑花不一樽大瘦成雙水鳥行沙嶼山僧禮  
石幢已甘三秀味誰念百牢腔遠棹投何處殘陽  
到幾窗仙謠珠樹曲村餉白醅缸地里方吳會人  
風似冉龐探幽非遯世尋勝肯迷邦爲讀江南傳  
何須過二龐

秋晚畱題魯望郊居二首

日休

竹樹冷澗落入門神已清寒蛩傍枕響秋菜上墻  
生黃犬病仍吠白驢饑不鳴唯將一杯酒盡日慰

劉禎

冷臥空齋內餘醒夕未消秋花如有恨寒蝶似無  
慘簷上落鬪雀籬根生晚潮若論羈旅事猶自勝  
臯橋

奉詔秋晚見題二首

龜蒙

爲愛晚窗明門前亦嬾行圖書看得熟隣里見還

生鳥啄琴材響僧傳藥味精緣君多古思携手上  
空城

何事樂漁樵巾車或倚橈和詩盈古篋賒酒半寒  
瓢失雨園蔬赤無風艸葉彫清言一相遺吾道未  
全消

初冬章上人院

日休

寒到無妨睡僧吟不廢禪尚關經病雀猶濾欲枯  
泉靜按貝多紙閒爐波律烟清譚兩三句相向自

木  
二十  
然

奉和次韻

龜蒙

每伴來方丈還如到四禪菊承荒砌露茶待遠山  
泉畫古全無跡林寒却有烟相看吟未竟金罄已  
泠然

臨頓

里名

爲吳中偏勝之地陸魯望居之不出

郭郭曠若郊墅余每相訪欵然惜去因成  
五言十首奉題屋壁

日休

一方瀟灑地之子獨深居繞屋親栽竹堆牀手寫  
書高風翔砌鳥暴雨失池魚暗識歸山計村邊買  
鹿車

籬疎從綠槿簷亂任黃茅壓酒移溪石煎茶拾野  
巢靜窗懸雨笠閒壁挂烟匏支遁今無骨誰爲世  
外交

繭稀初上簇醅盡未乾牀盡日畱蚕母移時祭麴  
王趨泉澆竹急候雨種蓮忙更葺園中景應爲顧

林隱集  
二十一  
辟疆

靜僻無人到幽深每自知  
鶴來添口數琴到益家  
資壞壑生魚沫頽簷落燕兒空  
將綠蕉葉來往寄閒詩

夏過無擔石日高開板扉  
僧雖與筒簞人不典蕉衣  
鶴靜共眠覺鷺馴同釣  
歸生公石上月何夕約譚微

經歲岸烏紗讀書三十車  
水痕侵病竹蛛網上衰

花詩任傳漁客衣從逶酒家  
知君秋晚事白幘刈胡麻

寂歷秋懷動蕭條夏息殘  
久貧空酒庫多病束漁竿  
玄想凝鶴扇清齋拂鹿冠  
夢魂無俗事夜夜到金壇

閉門無一事安穩臥涼天  
砌下翹饑鶴庭陰落病蟬  
倚杉閒把易燒木靜論玄  
賴有包山客時時寄紫泉

病起扶靈壽，翛然強到門。  
與杉除敗葉，爲石整危根。  
薜蔓狂遮壁，蓮莖臥枕盆。  
明朝有忙事，召客斲桐孫。

緩頰稱無利，低眉號不能。  
世情都太薄，俗意就中憎。  
雲態不知驟，鶴情非會徵。  
畫臣誰奉詔，來此寫姜肱。

襲美見題郊居十首，因次韻酬之，以伸榮謝。

龜蒙

近來唯樂靜，移傍故城居。  
閒打修琴料，時封謝藥書。  
夜停江上鳥，晴曬篋中魚。  
出亦圖何事，無勞置棧車。

倩人醫病樹，看僕補衡茅。  
散髮還同阮，無心敢慕巢。  
簡便書露竹，樽待破霜匏。  
日好林間坐，烟蘿近欲交。

倭僧畱海紙，山匠製雲牀。  
嬾外應無敵，貧中直是王。  
池平鷗思喜，花盡蝶情忙。  
欲問新秋計，菱絲一



畝疆

故山空自擲當路竟誰知  
祇有經時策全無養拙  
資病深憐炙客炊晚信  
樵兒謾欲陳風俗周官  
未採詩

福地能容溼玄關詎有  
扉靜思瓊版字閒洗鐵  
筇衣鳥破涼烟下人衝  
暮雨歸故園秋艸夢猶  
記綠微微

水影沈魚器鄰聲動緯  
車驚輕捎墜葉蜂嬾臥  
焦

花說史評諸例論兵到  
百家明時如不用歸去  
種

桑麻

禹穴奇編缺雷平異境  
殘靜吟封籙檢歸興削  
帆竿白石堪爲飯青蘿  
好作冠幾時當斗柄同  
上步罡壇

強起披衣坐徐行處暑  
天上階來鬪雀移樹去  
驚蟬莫問鹽車駿誰看  
醬瓿玄黃金如可化相  
近買雲泉

野入青蕪巷陂侵白竹門風高開栗刺沙淺露芹  
 根迸鼠緣藤桁飢鳥立石盆東吳雖不改誰是武  
 王孫

疎慵真有素時勢盡無能風月雖為敵林泉幸未  
 憎酒材經夏闕詩債待秋徵祇有君同癖閒來對

曲肱

松陵集卷第五 終

松陵集卷第六

今體七言詩九十二首

寒夜同襲美訪北禪院寂上人 龜蒙

月樓風殿靜沉沉披拂霜華訪道林鳥在寒枝棲  
 影動人依古堞坐禪深明時尚阻青雲步半夜猶  
 追白雪吟自是海邊鷗伴侶不勞金偈更降心

奉和次韻

日休

院寒清靄正沉沉霜棧乾鳴入古林數葉貝書松

火暗一聲金磬檜烟深陶潛見社無妨醉殷浩譚  
經不廢吟何事欲攀塵外契除君皆有利名心

江南道中懷茅山廣文南陽博士三首

日休

寒嵐依約認華陽遙想高人臥草堂半日始齋青  
飢飯移時空印白檀香鶴雛入夜歸雲屋乳管逢  
春落石牀誰道夫君無伴侶不離窗下見羲皇  
住在華陽第八天望君唯欲結良緣堂扁洞裏千

秋燕厨蓋巖根數斗泉壇上古松疑度世觀中幽  
鳥恐成仙不知何事迎新歲鳥納裘中一覺眠

裘出王  
筠集

五色香烟起內文

許遠遊燒  
香五色烟

石飴初熟酒初醺將

開丹竈那防鶴欲算碁圖却望雲海氣半生當洞  
見瀑冰初拆隔山聞如何世外無交者

許邁與王  
羲之父子

爲世外  
之交一臥金壇只有君

奉和次韻

龜蒙

一片輕帆背夕陽望三峰拜七真堂

三茅二許一陽一郭是為

真天寒夜漱雲牙淨雪壞晴梳石髮香自拂烟霞

安筆格獨開封檢試砂牀莫言洞府能招隱會輾

飈輪見玉皇

壺中行坐可携天何況林間息萬緣組綬任垂三

品石珮環從落四公泉丹臺已運陰陽火碧簡須

雕次第仙

廣文王季猶在場中

想得雷平春色動五芝烟甲

又芋眠

良常應不動移文金醴從酸亦自醺

蓬萊公洛廣文以金醴四

升待主簿主簿恨其味酸

桂父舊歌飛絳雪桐孫新韻倚玄雲

春臨柳谷鶯先覺曙醮蕪香鶴共聞玲重雙雙玉

條脫盡憑三島寄羊君

早春雪中作吳體寄襲美

龜蒙

迎春避臘不肯下欺花凍草還飄然光填馬窟蓋

塞外勢壓鶴巢偏殿巔山爐瘦節萬狀火墨突乾

衰孤穗烟君披鶴氅獨立何人解道真神仙

奉和

日休

威仰噤死不敢語瓊花雲魄清珊珊溪光冷射獨  
鷓鴣柳帶凍脆攢闌干竹根乍燒玉節快酒面新  
潑金膏寒全吳縹瓦十萬戶惟君與我如袁安

吳中言情寄魯望

日休

古來儻父愛吳鄉一上胥臺不可忘愛酒有情如  
手足除詩無計似膏盲宴時不輟琅書味齋日難  
判玉鱠香爲說松江堪老處滿船烟月濕莎裳

奉和次韻

龜蒙

菰烟蘆雪是儂鄉釣線隨身好坐忘徒愛右軍遺  
點畫閒披左氏得膏盲無因月殿聞移屨祇有風  
汀去採香莫問江邊漁艇子玉皇看賜羽衣裳

行次野梅

日休

萋拂蘿梢一樹梅玉妃無侶獨徘徊好臨王母瑤  
池發合傍蕭家粉水開共月已爲迷眼伴與春先  
作斷腸媒不堪便向多情道萬片霜華雨損來

奉和次韻

龜蒙

飛棹參差拂早梅，強欺寒色尚低徊。  
風憐薄媚畱香與，月會深情借艷開。  
梁殿得非蕭帝瑞，齊宮應是玉兒媒。  
不知謝客離腸醒，臨水剛添萬恨來。

揚州看辛夷花

日休

臘前千朶亞芳叢，細膩偏勝素捺功。  
螭首不言披曉雪，麝臍無主任春風。  
一枝拂地成瑤圃，數樹參庭是蕊宮。  
應爲當時天女服，至今猶未放全紅。

奉和次韻

龜蒙

柳疎梅墮少春叢，天遣花神別致功。  
高處朶稀難避日，動時枝弱易爲風。  
堪將亂蕊添雲肆，若得千株便雪宮。  
不得群芳應有意，等閒桃杏卽爭紅。

暇日獨處寄魯望

日休

幽慵不覺耗年光，犀柄金徽亂一牀。  
野客共爲賒酒計，家人同作借書忙。  
園蔬預遣分僧料，廩粟先教鶴算糧。  
無限高情好風月，不妨猶得事吾王。

奉和

龜蒙

謝府殷樓少暇時又拋清宴入書帷三千餘歲上

下古八十一家文字奇

司馬遷書上下紀三千餘歲太玄有八十一家率多

奇字冷夢漢臯懷鹿隱靜憐烟島覺鴻離知君滿篋

前朝事鳳諾龍奴借與窺

屣步訪魯望不遇

日休

雪晴墟里竹欹斜蠟屐徐吟到陸家荒徑掃稀堆

栢子破扉開澁染苔花壁閒定欲圖雙檜厨靜空

如飯一麻擬受太玄今不遇可憐遺恨似侯芭

奉和襲美見訪不遇

龜蒙

為愁烟岸老神囂扶病呼兒劔翠茗祗道府中持

簡牘不知林下訪漁樵花盤小墪晴初壓葉擁踈

籬凍未燒倚杖徧吟春照午一池水段幾多消

開元寺客省早景即事

日休

客省蕭條柿葉紅樓臺如画倚霜空銅池數滴桂

上雨金鐸一聲松杪風鶴靜時來珠像側鴿馴多

在寶幡中如何塵外虛爲契不得支公此會同

奉和次韻

日上呆愚疊影紅一聲清楚萬緣空  
襪襪滿地貝多雪料峭入樓于  
闐風水榭初抽寥泚息竹窓猶掛  
夢魂中靈香散盡禪家接誰共  
殷源小品同

正辨

論亦有九流一曰禪家者流殷浩讀小品經下二百籤疑義以問支道林

獨夜有懷因作吳體寄襲美

龜蒙

人吟側景抱凍竹鶴夢缺月沉枯梧  
清澗無波鹿

無魄白雲有根虬有鬚雲虬澗鹿真逸調  
刀名錐利非良圖不然快作燕市飲笑  
撫肉斝音磬眠酒壚

奉和次韻

日休

病鶴帶霜傍獨屋破巢含雪傾孤梧  
濯足將加漢光腹抵掌欲捋梁武鬚  
隱几清吟誰敢敵枕琴酣臥真堪圖  
此時枉欠高散物楠瘡作樽石作壚

病中有人惠海蟹轉寄魯望

日休

紺甲青筐染落衣島夷初寄北人時  
離居定有石



帆覺失伴唯應海月知族類分明連瓊瑤

瓊瑤似中蛙有

一小蟹在腹中吐出求食故唯海之人呼為蟹奴

形容好箇似蟛蜞病中

無用雙螯處寄與夫君左手持

### 訓襲美見寄海蟹

龜蒙

藥杯應阻蟹螯香却乞江邊採捕郎自是楊雄知

郭索

太玄經云蟹之郭索

且非何胤敢餵餽

何胤侈于食味稍欲去其甚者

猶有鮒腊糟蟹

骨清猶似含春靄沫白還疑帶海霜強作

南朝風雅客夜來偷醉早梅傍

### 病中美景頗阻追遊因寄魯望 日休

瘦牀閒臥晝迢迢唯把真如慰寂寥南國不須收

薏苡百年終竟是芭蕉藥前美祿應難斷枕上芳

辰豈易銷看取病來多少日早梅零落玉華焦

### 奉訓病中見寄

龜蒙

逢花逢月便相招忽臥雲航隔野橋春恨與誰同

醕酌玄言何處問逍遙題詩石上空迴筆拾蕙汀

邊獨倚橈早晚却還岩下電

襲美時有眼疾

共尋芳徑結

烟條

闔閭城北有賣花翁討春之士往往造焉因

招襲美

龜蒙

故城邊有賣花翁水曲舟輕去盡通十畝芳菲爲  
舊業一家烟雨是元功閒添藥品年年別笑指生  
涯樹樹紅若要見春歸處所不過携手問東風

魯望以花翁之什見招因次韻酬之

日休

九十携鋤偃僂翁小園幽事盡能通  
劬烟栽藥爲身計負水澆花是世功  
婚嫁定期杉葉紫葢藏應待桂枝紅  
不知家道能多少只在勾芒一夜風

病中庭際海石榴花盛發感而有寄

日休

一夜春光綻絳囊碧油枝上晝煌煌  
風勻秣似調紅露日暖唯憂化赤霜  
火齊滿枝燒夜月金津含蕊滴朝陽  
不知桂樹知情否無限同遊阻陸郎

奉和次韻

龜蒙

紫府真人餉露囊  
倚蘭燈燭未熒煌  
丹華乞曙先  
侵日金焰欺寒却  
照霜誰與佳名從  
海曲祗應芳  
裔出河陽那堪謝  
氏庭前見一段清  
香染郗郎

早春以橘子寄魯望

日休

箇箇和枝葉捧鮮  
彩凝猶帶洞庭烟  
不為韓嫣金  
丸重直是周王玉  
果圓剖似日魂初  
破後弄如星  
髓未銷前知君多  
病仍中聖盡送寒  
苞向枕邊

襲美以春橘見惠兼之雅篇因次韻酬謝

龜蒙

到春猶作九秋鮮  
應是親封白帝烟  
良玉有漿須  
讓味明珠無類亦  
羞圓堪居漢苑霜  
梨上合在仙  
家火棗前珍重更  
過三十子不堪分  
付野人邊

王僧

辨嘗為荆南得橘一帶三十子以獻梁元帝

病中書情寄上崔諫議

時眼疾未平

日休

十日來來曠奉公  
閉門無事忌春風  
垂絲度日縈

琴薦蛙粉經時落酒筒馬足歇從殘漏外魚須拋  
在亂書中殷勤莫怪求醫切只爲山櫻欲放紅

奉和次韻

龜蒙

或偃虛齋或在公藹然林下昔賢風庭前有蝶爭  
烟蕊簾外無人報水筒行藥不離深幌底時患眼疾寄  
書多向遠山中西園夜燭偏堪憶曾爲題詩到半

紅

病中孔雀

日休

烟花雖媚息沉冥猶自擡頭護翠翎強聽紫簫如  
欲舞困眠紅樹似依屏因思桂蠹傷肌骨爲憶松  
鵝損性靈盡日春風吹不起細毫金縷一星星

奉和

龜蒙

懶移金翠傍簷楹斜倚芳叢舊態生唯奈瘴烟籠  
飲啄可堪春雨滯飛鳴鴛鴦水畔迴頭羨荳蔻圖  
前舉眼驚爭得鷓鴣來伴著不妨還技有心情

上元日道室焚修寄襲美

龜蒙

三清今日聚靈官玉刺齊抽謁廣寒執蓋冒花香  
寂歷侍晨交珮響闌珊執蓋侍晨皆  
仙之貴侶將排鳳節分  
階易欲投龍書下筆難唯有世塵中小兆夜來心  
拜七星壇

奉和次韻

日休

明真臺上下仙官玄藻初吟萬籟寒飈御有聲時  
杳杳寶衣無影自珊珊蔬書乞見齋心易玉籍求  
天拜首難端簡不知清景暮靈蕪香燼落金壇

正月十五日惜春寄襲美

龜蒙

六分春色一分休滿眼東波盡是愁花匠凝寒應  
束手酒龍多病尚垂頭無窮懶惰齊中散有底機  
謀敵右侯見織短篷裁小檝拏烟閒弄個漁舟

奉詔惜春見寄

日休

十五日中春日好可憐沈痼冷如灰以前雖被愁  
將去向後須教醉領來梅片盡飄輕粉靨柳芽初  
吐爛金醅病中無限花番次爲約東風且住開

聞魯望遊顏家林園病中有寄 日休

一夜韶姿着水光  
謝家春草滿池塘  
細挑泉眼尋新脉  
輕把花枝嗅宿香  
蝶欲試飛猶護粉  
鶯初學轉尚羞簧  
分明不得同君賞  
盡日傾心羨索郎

襲美病中見寄次韻訓之 龜蒙

日華風蕙正交光  
羯末相携藉草塘  
羯謝玄小字末謝川小字  
佳酒旋傾醽醕嫩  
短船閒弄木蘭香  
烟絲鳥拂來縈帶  
葢檻人收去約簧  
今日好為聯句會  
不成剛

為欠檀郎

春雨即事寄襲美 龜蒙

小謝輕埃日日飛  
小謝詠雨詩有散漫似輕埃句  
城邊江上阻春暉  
雖愁野岸花房凍  
還得山家藥笋肥  
雙屐着頻看齒折  
敗裘披苦見毛稀  
比鄰釣叟無塵事  
灑笠鳴蓑夜半歸

奉和次韻 日休

織恨凝愁映鳥飛  
半旬飄灑掩韶暉  
山容洗得如

烟瘦地脉流來似乳肥野客正閒移竹遠幽人多  
病探花稀何年細濕華陽道兩乘巾車相並歸

魯望春日多尋野景日休抱疾杜門因有是

寄

日休

野侶相逢不待期半緣幽事半緣詩烏紗任岸穿  
筋竹白袷從披趨肉芝數卷蠹書碁處展幾升菰  
米釣前炊病中不用君相憶折取山櫻寄一枝

奉和次韻

龜蒙

雖失春城醉上期下帷裁徧未裁詩因吟郢岸百  
畝蕙欲采商崖三秀芝棲野鶴籠寬使織施山僧  
飯別教炊但醫沈約重瞳健不怕江花不滿枝

偶掇野蔬寄襲美

龜蒙

野園煙裏自幽尋嫩甲香蕤引漸深行歇每依鷗  
舅影挑頻時見鼠姑心凌風藹彩初携籠帶露虛  
踈或貯襟欲助春盤還愛否不妨蕭灑似家林  
魯望以躬掇野蔬兼示雅什用以酬謝

日休

杖藜春烟暖向陽煩君為我致盈筐深挑乍見牛

屑液爾雅云蕒牛細搯徐聞鼠耳香本草云葉似鼠耳莖赤可

生食紫甲采從泉脉畔翠牙搜自石根傍彫胡飯熟

餽餽軟不是高人不合嘗

臥疾感春寄魯望

日休

烏皮几上困騰騰玉柄清羸愧不能昨夜眠時稀  
似鶴今朝餐數減於僧藥銷美祿因天折醫過芳

辰定鬼憎任是雨多遊未得也須收在探花朋

奉和次韻

龜蒙

共尋花息極飛騰病帶春寒去未能烟徑水涯多  
好鳥竹牀蒲椅但高僧須知日富為神授祗有家  
貧免盜憎除却數函圖藉外更將何事結良朋

徐方平後聞赦因寄襲美

龜蒙

新春旒宸御輦軒海內初傳渙汗恩秦獄已收為  
厲氣瘴江初返未招魂英材盡作龍蛇蟄時停戰



地多成虎豹村除却數般傷痛外不知何事及王孫

奉和次韻

日休

金雞烟外上臨軒紫誥新垂作解恩涿鹿未銷初  
敗血新安頓雪已坑魂空林葉盡蝗來郡腐骨生  
花戰後村未遣蒲車問幽隱共君應老抱桐孫

襲美以魚牋見寄因謝成篇

龜蒙

擣成霜粒細鱗鱗知作愁吟幸見分向日乍驚新

鬻色臨風時辨白萍文

魚子曰  
白萍

好將花下承金粉

堪送天邊詠碧雲見倚小窓親襞染盡圖春色寄  
夫君

奉詔見荅魚牋之什

日休

輕如隱起膩如飴除却鮫工解製稀欲寫恐成河  
伯詔試裁疑是水仙衣毫端白獺脂猶濕指下水  
蠶子欲飛若用莫將閒處去好題春思贈江妃

病後春思

日休

連錢錦暗麝氛氲荆息多才詠鄂君孔雀鈿寒窺  
沼見石榴紅重墮堦聞牢愁有度應如月春夢無  
心祇似雲應笑病來慙滿願花牋好作斷腸文

奉和次韻

龜蒙

氣和靈府漸氤氲酒有賢人藥有君七字篇章看  
月得百勞言語傍花聞閒尋古寺銷晴日最憶深  
溪枕夜雲早晚共搖孤艇去紫屏風外碧波文  
襲美以公齋小宴見招因代書寄之

龜蒙

早雲纔破漏春陽野客晨興喜又忙自與酌量煎  
藥水別教安置曬書牀依方釀酒愁遲去借樣裁  
巾怕索將唯待數般幽事了不妨還入少年場

偶成小酌招魯望不至以詩爲解因次韻訓  
之

日休

醉侶相邀愛早陽小筵催辦不勝忙衝深柳駐吳  
娃憶倚短花排羯鼓牀金鳳欲爲鸞引去鈿蟬疑

被蝶勾將如何共是忘形者不見漁陽參一場

以紗巾寄魯望因而有作 日休

周家新樣替三梁 頭巾起後 裹髮偏宜白面郎掩

歛乍疑裁黑霧輕明渾似戴玄霜今朝定見看花

吳明日應聞漉酒香更有一般君未識虎文巾在

絳霄房

襲美以紗巾見惠繼以雅音因次韻訓謝

龜蒙

薄如蟬翅背斜陽不稱春前贈女臧郎初覺頂

寒生遠吹預憂頭白透新霜堪窺水檻澄波影好

拂花墻亞葢香知有芙蓉畱自戴 桐栢真人戴欲

峩烟霧訪黃房

聞襲美有親迎之期因以寄賀 龜蒙

梁鴻夫婦欲雙飛細雨輕寒拂雉衣初下雪窓應

眷戀次乘烟憶奈光輝參差扇影分華月斷續簫

聲落翠微見說春風偏有賀露花千朵照庭闌

臨頓宅將有歸于之日魯望以詩見貺因抒  
懷酬之

日休

共老林泉忍暫分此生應不識迴文幾枚竹筍送  
德曜一乘柴車迎少君舉案品多緣澗藥承家事  
少爲溪雲居然自是幽人事輒莫教他孫壽聞

襲美以巨魚之半見分因以酬謝

龜蒙

誰與春江上信魚可憐霜刃截來初鱗隙似撒騷

人屋腹斷疑傷遠客書避網幾跳山影破逆風曾  
蹙浪花虛今朝最是家童喜免泥荒畦掇野蔬

奉和

日休

釣公來信自松江三尺春魚撥刺霜腹內舊鉤苔  
染澁腮中新餌藻和香冷鱗中斷榆錢破寒骨平  
分玉筯光何事貺君偏得所祗緣同是越航郎

館娃宮懷古

日休

艷骨已成蘭麝土宮墻依舊壓層崖弩臺雨壞逢

金鏃香徑泥銷露玉釵硯沼只畱溪鳥浴屨廊空  
信野花埋姑蘇麋鹿真閒事須爲當時一愴懷

奉和次韻

龜蒙

鏤楣消落濯春雨蒼翠無言空斷崖草碧未能忘  
帝女燕輕猶自識宮釵江山祇有愁容在劍珮應  
和愧色埋賴有伍員騷息少吳王纔免似荆懷

襲美以紫石硯見贈以詩迎之 龜蒙

霞骨堅來玉自愁琢成飛燕古釵頭澄沙脆弱聞

應伏青鐵沈埋見亦羞最稱風亭批碧簡好將雲  
竇漬寒流君能把贈閒吟客徧寫江南物象酬

以紫石硯寄魯望兼酬見贈 日休

樣如金蹙小能輕微潤將融紫玉英石墨一研爲  
鳳尾寒泉半勺是龍睛騷人白芷傷心暗狎客紅  
筵奪眼明兩地有期皆好用不須空把洗溪聲

同襲美遊北禪院

院卽故司勳  
陸郎中舊宅

龜蒙

連延花蔓映風廊岸幘披襟到竹房居士祇今開

梵處先生曾是草玄堂清樽林下看香印遠岫窓  
中挂鉢囊今日有情消未得欲將名理問息光

奉和

日休

戚歷杉陰入艸堂老僧雖見似相忘吟多幾轉蓮  
花漏坐久重焚栢子香魚慣齋時分淨食鴿能閒  
處傍禪牀雲林滿眼空羈滯欲對彌天却自傷

孫發百篇將遊天台請詩贈行因以送之

日休

孫子荆家思有餘元戎曾薦入公車百篇宮體喧  
金屋一日官銜下玉除紫府近通齋後夢赤城新  
有寄來書因逢二老如相問正滯江南爲鮑魚

奉和

龜蒙

直應天授與詩情百詠唯消一日成去把彩毫揮  
下國歸參黃綬別春卿閒窺碧落懷烟霧暫向金  
庭隱姓名珍重與公徒有賦石梁深處是君行

薔薇

倚墻當戶自橫陳，致得貧家似不貧。  
外布芳菲雖笑日，中含芒刺欲傷人。  
清香往往生遙吹，狂蔓看看及四鄰。  
遇有客來堪玩處，一端晴綺照烟新。

奉和次韻

日休

誰繡連延滿戶陳，暫應遮得陸郎貧。  
紅芳掩斂將迷蝶，翠蔓飄飄欲挂人。  
低拂地時如墮馬，高臨墻處似窺鄰。  
祇應是董雙成戲，剪得神霞寸寸新。

聞開元寺開筵園寄章上人

日休

園鑱開聲駭鹿羣，滿林鮮籜水犀文。  
森森競泫林梢雨，巖巖爭穿石上雲。  
並出亦如鵝管合，各生還似犬牙分。  
折烟束露如相遺，何胤明朝不如葷。

奉和

龜蒙

春龍爭地養檀欒，況是雙林雨後看。  
迸出似毫當垤塢，孤生如恨倚欄干。  
凌虛勢欲齊金刹，折贈光宜照玉盤。  
更待錦苞零落後，粉環高下揭烟寒。

春夕陪崔諫議櫻桃園宴

日休

萬樹香飄水麝風蠟燭花雪盡成紅夜深歡態狀

不得醉客圖開明月中

衛協畫  
醉客圖

奉和

龜蒙

佳人芳樹雜春蹊花外烟濛月漸低幾度艷歌清  
欲轉流鶯驚起不成棲

松江早春

日休

松陵清淨雪消初見底新安恐未如穩凭船舷無  
一事分明數得鱸殘魚

奉和

龜蒙

柳下江殮待好風暫時還得狎漁翁一生無事烟  
波足唯有沙邊水勃公

女墳湖

即吳王墓  
女之所

日休

萬貴千奢已寂寥可憐幽憤為誰嬌須知韓重相  
思骨直在芙蓉向下消

奉和

龜蒙

水平波淡繞迴塘鶴殉人沉萬古傷應是離魂雙



不得至今沙上少鴛鴦

泰伯廟

日休

一廂爭祠兩讓君幾千年後轉清氛當時盡解稱  
高義誰敢教他莽卓聞

奉和

龜蒙

故國城荒德未荒年年椒奠濕中堂邇來父子爭  
天下不信人間有讓王

宿木蘭院

日休

木蘭院裏雙棲鶴長被金鉦聒不眠今夜宿來還  
似爾到明無計夢雲泉

奉和次韻

龜蒙

苦吟清漏迢迢極月過花西尚未眠猶憶故山欵  
警枕夜來嗚咽似流泉

重題薔薇

濃似猩猩初染素輕於燕燕欲凌空可憐細麗難  
勝日照得深紅似淺紅

奉和次韻

穠華自古不得久况是倚春春色空更被夜來風  
雨惡滿堦狼籍沒多紅

春夕酒醒

日休

四絃纔罷醉蠻奴鄙醪餘香在翠爐夜半醒來紅  
蠟短一枝寒淚作珊瑚

奉和

龜蒙

幾年無事傍江湖醉倒黃公舊酒壚覺後不知新

月上滿身花影倩人扶

松陵集卷第六  
終



